

摘藻堂四庫全書薈要

子部

欽定四庫全書薈要卷一萬六百八十三

子部

欽定授時通考卷二十

穀種

稻一

御稻米

稻

御稻米



聖祖御製幾暇格物編豐澤園中有水田數道布玉田穀種歲至九月始刈獲登場一日循行阡陌時方六月下旬穀穗方穎忽見一科高出衆稻之上實已堅好因收藏其種待來年驗其成熟之早否明歲六月時此種果先熟從此生生不已歲取千百四十餘年以來內膳所進皆此米也其米色微紅而粒長氣香而味腴以其生自苑田故名御稻米一歲兩種亦能成兩熟口外種稻至白露以後數天不能成熟惟此種可以白露前收割

故山莊稻田所收每歲避暑用之尚有贏餘曾頒給其種與江浙督撫織造令民間種之聞兩省頗有此米惜未廣也南方氣暖其熟必早於北地當夏秋之交麥禾不接得此早稻利民非小若更一歲兩種則畝有倍石之收將來蓋藏漸可充實矣昔宋仁宗間占城有早熟稻遣使由福建而往以珍物易其禾種給江淮兩浙即今南方所謂黑穀米也粒細而性硬又結實甚稀故種者絕少今御稻不待遠求生於禁苑與古之雀啣天雨

者無異朕每飯時嘗願與天下羣黎共此嘉穀也



稻



詩豳風十月穫稻

朱子曰稻南方所食稻米水生而色白者也

禮記曲禮稻曰嘉蔬

註蔬與疏同立苗疏則茂盛嘉美也

王制冬薦稻稻以鴈

大全稻為西方之穀則陰類也故配以鴈鴈陽物故也

月令季秋之月天子乃以犬嘗稻

註稻始熟也

周禮天官凡會膳食之宜牛宜稌

訂義稌稻也澤中所生與土畜相宜

地官稻人掌稼下地

易菑曰稻宜於荆揚厥土塗泥乃沮洳下溼之地此
稻人所以掌稼下地

爾雅稌稻

註今沛國呼稌䟽別二名也案說文云沛國謂稻為

糯秔稻屬也字林云糯黏稻也秔稻不黏者本草以
粳米稻米為兩物秔與粳古今字然秔糯甚相類黏
不黏為異耳依說文秣稻即糯也江東呼糯乃亂切
素問黃帝問曰為五穀湯液及醪醴柰何岐伯對曰必
以稻米炊之稻薪稻米者完稻薪者堅帝曰何以然岐
伯曰此得天地之和高下之宜故能至完伐取得時故
能至堅也

春秋說題辭稻之為言藉也稻太陰精含水漸洳乃能

化也江旁多稻故其宜也

淮南子江水肥仁而宜稻

古今注稻之黏者為秣禾之黏者為黍

廣志有虎掌稻紫芒稻赤芒稻南方有蟬鳴稻有蓋下
白稻

續博物志粳粟米五穀中最硬得漿水易化倉粳米炊
作乾飯食之止痢

爾雅翼稻米粒如霜性尤宜水故五穀外別設稻人之

官掌稼下地漢世亦置稻田使者以其均水利故也古者之於穀菽與苴以食農麥以接續至於食稻衣錦則以為生人之極樂以稻味尤美故也稻一名稌然有黏有不黏者今人以黏者為糯不黏者為粳然在古則通得稻稌之名說文曰稻稌也沛國謂稻曰粳粳稻屬或作粳是則直以粳為稻耳若鄭康成注周禮稌粳也則稻是粳然要之二者皆稻也故汜勝之云三月種粳稻四月種秫稻字林云糯黏稻也粳稻不黏者今人亦皆

以二穀為稻若詩書之文自依所用而解之如論語食夫稻則稻是粳月令秫稻必齊則稻是糯周禮牛宜稌則稌是秔豐年多黍多稌為酒為醴則稌是糯又稻人之職掌稼下地至澤草所生則種之芒種是明稻有芒有不芒者今之粳則有芒至糯則無是通稱稌稻之明驗也又有一種曰秈比於粳小而尤不黏其種甚早今人號秈為早稻粳為晚稻又今江浙間有稻粒稍細耐水旱而成實早作飯差硬土人謂之占城稻云始自占

城國有此種昔真宗聞其耐旱遺以珍寶求其種始植於後苑後在處播之按國朝會要大中祥符五年遣使福建取占城禾分給江淮兩浙漕并出種法令擇民田之高者分給種之則在前矣

養生要集秔稻屬也稻亦秔之總名也道家方藥有用稻米秔米此則是兩物也稻米粒白如霜味苦主溫服之令人多瘦無肥膚秔米味甘主利臟長肌膚好顏色稻已割而復抽曰稻孫

理生玉鏡六旬稻一名拖犁歸粒小色白四月種六月熟又有八十日稻百日赤毘陵亦有六十日秬八十日秬百日秬之品百日赤百日秬俱白稈而無芒七八月熟其味白淡而紅甘

戒菴漫筆稻花白而瓣少者米賤多而色黃則貴俗云銀花賤金花貴也

湧幢小品暹羅國稻其粒盈寸

燕山叢錄房山縣有石窩稻色白味香美以為飯雖盛

暑經數旬不餲

明一統志雷陽界稻十一月下種揚雪耕耘次年四月
熟與他地迥異稻花午開暮合開合皆於日中香甚有
至七開七合者

農政全書黃省曾理生玉鏡曰稻之粒其白如霜其性
如水說文謂之稌沛國謂之粳以黏者謂之糯亦謂之
秣以不黏者謂之秈亦謂之粳故汜勝之云三月而種
秈四月而種秣然皆謂之稻魯論之食夫稻粳也月令

之秣稻糯也糯無芒粳有芒粳之小者謂之秣秣之熟也早故曰早稻粳之熟也晚故曰晚稻京口大稻謂之粳小稻謂之秣其粒細長而白味甘而香九月而熟是謂稻之上品曰箭子其粒大而芒紅皮赤五月而種九月而熟謂之紅蓮其粒尖色紅而性硬四月而種七月而熟曰金城稻是惟高仰之所種松江謂之赤米乃穀之下品其粒長而色斑五月而種九月而熟松江謂之勝紅蓮性硬而皮莖俱白謂之穠種稻其粒大色白稈

輒而有芒謂之雪裏揀其粒白無芒而稈矮五月而種
九月而熟謂之師姑秔湖州錄云言其無芒也四明謂
之矮白其粒赤而稈芒白五月初而種八月而熟謂之
早白稻松江謂之小白四明謂之細白九月而熟謂之
晚白又謂蘆花白松江謂之太白其三月而種六月而
熟謂之麥爭場其再蒔而晚熟者謂之烏口稻在松江
色黑而能水與寒又謂之冷水結是謂稻之下品其粒
白而大四月而種八月而熟謂之中秋稻在松江八月

望而熟者謂之早中秋又謂之閃西風其粒白而殼紫
五月而種九月而熟謂之紫芒稻其秀最易謂之下馬
看又謂之三朝齊湖州錄云言其齊熟也其在松江粒
小而性柔有紅芒白芒之等七月而熟曰香秈其粒小
色斑以三五十粒入他米數升炊之芬芳香美者謂之
香子又謂之香粳其粒長而釀酒倍多者謂之金釵糯
其色白而性軟五月而種十月而熟曰羊脂糯其芒長
而穀多白斑五月而種九月而熟謂之臘脂糯太平謂

之硃砂糯其白斑五月而種十月而熟謂之虎皮糯太
平又云厚稈紅黑斑而芒其粒最長白稈而有芒四月
而種七月而熟謂之趕陳糯太平謂之趕不著亦謂之
舂糯其粒大而色白四月而種九月而熟謂之矮糯其
稈黃而米赤已熟而稈微青布宜良田四月而種九月
而熟謂之青稈糯其粒大而色白芒長而熟最早其色
易變而釀酒最佳謂之蘆黃糯湖州謂之泥裏變言其
不待日之曬也其粒圓白而稈黃大暑可刈其色難變

不宜於釀酒謂之秋風糯可以代粳而輸租又謂之瞞
官糯松江謂之冷粒糯其不耐風水四月而種八月而
熟謂之小娘糯譬閨女然也其在湖州色烏而香者謂
之烏香糯其稈挺不仆者謂之鐵梗糯芒如馬鬃而色
赤者謂之赤馬鬃糯其粒小而色白四月而種六月而
熟謂之六十日稻又遲者謂之八十日稻又遲者謂之
百日赤而毘陵小稻之種亦有六十日粳八十日粳百
日粳之品而皆自占城來實賴水旱而成實作飯則差

硬宋氏使占城珍寶易之以給於民者在太平六十日
秈謂之拖犁歸有赤紅秈有百日秈其白稈而無芒或
七月或八月而熟其味白淡而紅甘在閩無芒而粒細
有六十日可穫者有百日可穫者皆曰占城稻其已刈
而根復發苗再實者謂之再熟稻亦謂之再撩其在湖
州一穗而三百餘粒者謂之三穗子

曲辰書治稻者蓄陂塘以瀦之置隄閘以止之又有作為畦埂耕耜既熟放水勻停擲種於內候苗生五六寸拔

而秧之今江南皆有用此法苗高七八寸則耘之耘畢放水燒之欲秀復用水浸之苗既長茂復事薅拔以去稂莠農家收穫尤當及時江南上雨下水收稻必用喬杆笮架乃不遺失蓋刈早則米青而不堅刈晚則零落而損收又恐為風雨損壞此九月築場十月納稼工夫次第不可失也大抵稻穀之美種江淮以南直徹海外皆宜此稼今閩中有得占城種高仰處皆宜種之謂之早占其米粒大而且甘為早稻種甚佳北方水源頗少

陸地沾溼處宜種此稻 丘濬曰地土高下燥溼不同

而同於生物生物之性雖同而所生之物有宜有不宜
焉土性雖有宜不宜人力亦有至不至人力之至亦或
可以回天況地乎宋太宗詔江南之民種諸穀江北之
民種秔稻真宗取占城稻種散諸民間是亦大易栽成
輔相以左右民之一事今世江南之民皆雜蒔諸穀江
北民亦兼種秔稻昔之秔稻惟秋一收今又有旱禾焉
二帝之功利及民遠矣後之有志於勤民者宜倣宋主

此意通行南北俾民兼種諸穀有司考課書其勸相之數其地昔無而今有有成效者加以官賞

農政全書徐獻忠曰居山中往往旱荒乞得旱稻種往時宋真宗因兩浙旱荒命於福建取占城稻三萬斛散之仍以種法下轉運司示民即今之旱稻也初止散於兩浙今北方高仰處類有之者因宋時有江翔者建安人為汝州魯山令邑多苦旱乃從建安取旱稻種耐旱而繁實且可久蓄高原種之歲歲足食種法大率如種

麥治地畢豫浸一宿然後打潭下子用稻草灰和水澆之每鋤草一次澆糞水一次至於三即秀矣

本草綱目李時珍曰稻稬糯之通稱本草則專指糯為稻也稻從留音函象人在臼上治稻之義性黏軟故謂之糯汪穎曰糯米緩筋令人多睡其性糯也陶弘景曰道家方藥有稻米粳米俱用者此則兩物也稻米白如霜江東無此故通粳為稻耳不知色類復云何也蘇恭曰稻者穰穀之通名爾雅云稌稻也稬者不黏之稱一

曰秫汜勝之云三月種秔稻四月種秫稻即並稻也陶
謂為二蓋不可解也馬志曰此稻米即糯米也其粒大
小似秔米細糠白如雪今通呼秔糯二穀為稻所以惑
之按李含光音義引字書解粳字云稻也秔字云稻屬
也不黏粢字云稻餅也粢蓋糯也寇宗奭曰稻米今造
酒糯稻也其性溫故可為酒酒為陽故多熟西域天竺
土溽熱稻歲四熟亦可驗矣李時珍曰糯稻南方水田
多種之其性粘可以釀酒可以為粢可以蒸糕可以熬

餽可以炒食其類亦多其穀殼有紅白二色或有毛或無毛其米亦有赤白二色赤者酒多糟少一種粒白如霜長三四分者齊民要術糯有九格雉木大黃馬首虎皮火色等名是矣古人釀酒多用秫故諸說論糯稻往往費辨也秫乃糯粟見本條

又稻米氣味苦溫無毒孫思邈曰味甘寇宗奭曰性溫蘇頌曰糯米性寒作酒則熱糟乃溫平亦如大豆與豉醬之性不同也孟詵曰涼發風動氣使人多睡不可多

食陳藏器曰久食令人身軟緩人筋也小猫犬食之亦脚屈不能行馬食之足重妊婦雜肉食之令子不利蕭炳曰擁諸經絡氣使四肢不收發風昏昏陳士良曰久食發心悸及癰疽瘡癰中痛合酒食之醉難醒李時珍曰糯性粘滯難化小兒病人最宜忌之

又李時珍曰粳乃穀稻之總名也有早中晚三收諸本草獨以晚稻為粳者非矣粳者硬也但入解熱藥以晚粳為良耳陶弘景曰粳米即今人常食之米但有白赤

小大異族四五種猶同一類也可以廩米孟詵曰淮泗之間最多襄洛土粳米亦堅實而香南方多收水稻最補益人諸處雖多粳米但充饑耳李時珍曰粳有水旱二稻南方土下塗泥多宜水稻北方地平惟澤土宜旱稻西南夷亦有燒山地為畬田種旱稻者謂之火米古者惟下種成畦故祭祀謂稻為嘉蔬今人皆拔秧栽插矣其種近百各各不同俱隨土地所宜也其穀之光芒長短大細百不同也其米之赤白紫烏堅鬆香否不同

也其性之溫涼寒熱亦因土產形色而異也真臘有水
稻高丈許隨水而長南方有一歲再熟之稻蘇頌曰香
粳長白如玉可充御貢皆粳之稍異者也

又粳米氣味甘苦平無毒孫思邈曰生者寒燔者熱李
時珍曰北粳涼南粳溫赤粳熱白粳涼晚白粳寒新粳
熱陳粳涼凡人嗜生米久成米瘕治之以雞屎白汪穎
曰新米乍食動風氣陳者下氣病人尤宜孟詵曰常食
乾粳飯令人熱中唇口乾不可同馬肉食發痼疾不可

和蒼耳食令人卒心痛急燒倉米灰和蜜漿服之不爾
即死

又李時珍曰秬亦粳屬之先熟而鮮明者故謂之秬種
自占城國故謂之占俗作粘者非矣又曰秬似粳而粒
小始自閩人得種於占城國其熟最早六七月可收品
類亦多有赤白二色與粳大同小異甘溫無毒

閩書周禮揚州荊州其穀宜稻閩屬揚州當首稻矣左
思三都賦國稅再熟之稻宋馬益詩兩熟潮田天下無

蓋美閩稻也說文謂稻為粳粳稌屬也糯亦名秣字秣
云糯稻黏而粳稻不黏今之食米皆粳稻釀酒則糯稻
也閩中記云閩人以糯稻釀酒其餘蹂粉歲時以為糰
粽粿糕之屬福州曰粳曰秣春種夏熟曰早稻秋種冬
熟曰晚稻歲一熟者曰大冬山田冬種者曰早占霜降
後熟者曰天降來曰薰提與早稻同熟者曰黃芒與晚
稻同熟者曰占城曰稊又曰土稊歲再熟者曰金洲曰
白香秣又曰糯與早稻同熟者曰早秣與晚稻同熟者

曰晚秣與大冬同熟者曰大冬秣湘山野錄云福建八
郡皆有占城稻泉州曰早稻曰早仔曰師姑早曰晚稻
曰大冬曰寄種曰青晚曰占城稻曰畬稻曰白香稻曰
近山香曰降來曰大尖曰小尖曰中灌曰新畬曰河南
早曰河南秋種曰白柳曰烏芒曰林鳳曰藿香曰一秋
紅曰紅芒曰天上落曰八月白曰蘇州紅曰烏稻曰金
城早曰粟殼曰尤溪早曰早秣曰晚秣曰大冬秣曰赤
莠秣曰牛頭秣曰好殼曰白秋秣曰白占秣曰花眉秣

曰虎皮秫曰近山香秫曰龍牙曰斑占建寧曰十日早
曰大糯曰小糯曰龍鳳早曰半冬白曰師姑早曰九里
香曰大早曰小早曰天降早曰爛泥早曰七娘禾曰小
白禾曰大白禾曰小烏禾曰大烏禾曰野豬愁曰無芒
禾曰真珠纍曰麻子禾曰公婆禾曰銀珠秫曰早禾曰
白禾子曰烏禾子曰厚芒禾曰下馬看曰白芒曰黃穀
曰粳穀曰白私早曰烏龍牙曰紅糟秫曰鋪城錦曰溫
州早曰吳家傳曰大師姑曰小師姑曰青絲禾曰荔枝

禾曰猴尾秣曰烏節秣曰重陽秣曰白芒秣曰烏牙秣
延平曰秧歸曰早子曰金城早曰江西早曰天降曰赤
芒曰白芒曰赤穀曰十溪曰廖元山曰早秣曰晚秣曰
八月白曰長芒曰粟山中野人間種之汀州曰稻興化
曰早穀曰穰曰占穀曰粟曰青粱曰黃粱曰粱皆粟類
漳州曰早稻曰晚稻曰大冬稻曰寄種曰占稻曰香稻
曰白柳曰畚稻曰糯稻以上稻種不一又八郡方言不
同有一種而異名者具依本志列之如右

天工開物五穀獨遺稻者以著書聖賢起自西北也今

天下育民人者稻居什七凡稻種最多不黏者禾曰秔

米曰粳黏者禾曰秣米曰糯

南方無黏黍酒皆糯米所為

質本粳而

晚收帶黏

俗名婺源光之類

不可為酒只可為粥者又一種性

也凡稻穀形有長芒短芒

江南名長芒者曰劉陽早短芒者曰吉安早

長粒

尖粒圓頂扁面不一其中米色有雪白牙黃大赤半紫

雜黑不一溼種之期最早者春分以前名為社種最遲

者後於清明凡播種先以稻麥膏包浸數日俟其生芽

撒於田中生出寸許其名曰秧秧生三十日即拔起分栽於畝中生穀數粒結果而已凡秧田一畝所生秧供栽二十五畝凡秧既分栽後早者七十日即收穫粳有救公饑喉下急糲有金包銀之類方語百千不可殫述最遲者歷夏及冬二百日方

收穫其冬季播種仲夏即收者則廣南之稻地無霜故也凡稻旬日失水即愁旱乾夏種秋收之穀必山澗源水不絕之畝其穀種亦耐久其土脈亦寒不催苗也湖

濱之田待夏潦已過六月方栽者其秧立夏播種撒藏
高畝之上以待時也南方平原田多一歲兩栽兩穫者
其再栽秧俗名晚糯非粳類也六月刈初禾耕治老膏
田插再生秧其秧清明時已偕早秧撒佈早秧一日無
水即死此秧歷四五兩月任從烈日曝乾無憂此一異
也凡再植稻遇秋多晴則汲灌與稻相終始農家勤苦
為春酒之需也凡稻旬日失水則死期至幻出旱稻一
種粳而不黏者即高山可插又一異也香稻一種取其

芳氣以供貴人收實甚少滋益全無不足尚也凡稻土

脈焦枯則穗實蕭索勸農糞田多方以助之人蓄穢遺

榨油楷餅

楷者以去膏而得名胡麻菜蔬子為上臺次之大眼桐又次之樟相棉花又次之

草

皮木葉以佐生機普天之所同也

南方磨菜豆粉者取漉漿灌田肥甚豆賤

之時撒黃豆於田一粒爛土方三寸得穀之息倍焉

土性帶冷漿者宜骨灰蘸秧

根凡禽獸骨

石灰淹苗足向陽暖土不宜也土脈堅緊者宜

耕隴疊塊壓薪而燒之埴墳鬆土不宜也凡早稻種秋
初收藏當午晒時烈日火氣在內入倉廩中關閉太急

則其穀黏帶暑氣

勤農之家
偏受此患

明年田有糞肥土脉發燒

東南風助煖則盡發炎火大壞苗穗此一災也若種穀

晚涼入廩或冬至數九天收貯雪水冰水一甕

交春即
不驗

清明溼種時每石以數碗激洒立解暑氣則任從東南

風暖則此苗清秀異常矣

崇在種內
反怨鬼神

凡稻撒種時或水

浮數寸其穀未即沉下驟發狂風堆積一隅此二災也

謹視風定而後撒則沉自成秧矣凡穀種生秧之後防

雀鳥聚食此三災也立標飄揚鷹備則雀可驅矣凡秧

沉脚未定陰雨連綿則損折過半此四灾也邀天晴霽
三日則粒粒皆生矣凡苗既函之後畝土肥澤連發南
風薰熟函内生蟲

形似蠶繭

此五灾也邀天遇西風雨一陣

則蟲化而穀生矣凡苗吐穡之後暮夜鬼火遊燒此六
灾也此火乃朽木腹中放出凡木母火子子藏母腹母
身未壞子性千秋不滅每逢多雨之年孤野墳墓多被
狐狸穿塌其中棺木為水浸朽爛之極所謂母質壞也
火子無附脫母飛揚然陰火不見陽光直待日沒黃昏

此火衝隙而出其力不能上騰飄遊不定數尺而止凡

禾穡葉遇之立刻焦炎逐火之人見他處樹根放火以

為鬼也奮挺擊之反有鬼變枯柴之說不知向來鬼火

見燈光而化矣

凡火未經人間燈傳者總屬陰火故見燈即滅

凡苗自函活以

至穎粟早者食水三斗晚者食水五斗失水即枯

將刈之時

少水一升穀數雖存米粒縮小入碾白中亦多斷碎

此七災也汲灌之智人巧已

無餘矣凡稻成熟之時遇狂風吹粒殞落或陰雨竟旬


穀粒沾溼自爛此八災也然風災不越三十里陰雨災

不越三百里偏方厄難亦不廣被風落不可為若貧困之家苦於無霽將溼穀升於鍋內燃薪其下炸去糠膜收炒糗以充饑亦補助造化之一端矣

田家五行雨水節燒乾鑊以糯稻爆之謂之字婁花占稻色自早禾至晚稻皆爆一握各以器列比並分數斷高下以番白多為勝



欽定授時通考卷二十



總校官庶吉士臣侍朝

校對官編修臣裴謙

謄錄監生臣吳向仁

繪圖謄錄監生臣勵守淳

欽定四庫全書薈要

子部

欽定授時通考卷二十一

二

詳校官主事_臣陳本



欽定四庫全書薈要卷一萬六百八十四

子部

欽定授時通考卷二十一

穀種

稻二

直隸志書

宛平縣物產稻有糯粳二種 香河縣物

產粳稻糯稻水稻旱稻 昌平州物產稻處處有之惟

玉泉山枹榆泉更佳膳米於是需焉 房山縣土產稻

紅白二種石窩稻色白粒大米粒美盛煮經三晝夜不

餉 遵化州物產稻有東方稻雙芒稻虎皮稻之類皆

食米糯稻有旱糯白糯黃糯皆可釀酒種者粳稻九糯

稻一早田九水田一 滿城縣土產稻有黃鬚者有烏

鬚者有秔稻有旱稻米微紅又有糯稻 涑水縣土產

稻種於水田者惟石亭新莊村有之所出不多 邢臺

縣物產稻有三種紅口芒稻糯稻 厯城縣方產稻秔

糯也秔宜飯糯宜酒厯雖山城而城北一帶盡屬水田

粳稻之美甲於山左 鄒平縣物產稻漂水之濱近始

播種 新城縣物產稻東方瀕湖產水稻間有之 秦

安州物產稻紅白二種 萊蕪縣物產稻有粳糯二種

萊蕪水田皆旱稻故米不佳 濱州物產稻沿河地可

藝 滋陽縣物產稻有糯有粳 曹縣物產稻有數種

水陸不同又黏者謂之糯米色黑宜釀 鉅野縣物產

稻子黑白二色 沂州物產稻有糯有粳 青州府物

產海上斥鹵原隰之地皆宜稻播種苗出耘過四五遍

即坐而待穫但雨暘以時每畝可收五六石次四五石

秋收見戶春米貿遷得高價可比魚鹽若江南水田雖純藝稻然功多作苦農夫經歲胼胝泥淖之中收入反薄畝多二三石次一二石不如此中海稻功半而利倍也安邱日照雖有早稻而粗硬不佳益都種之不多獲二年後俱變為莠矣水中亦然日照縣物產有糯有粳照產皆在陸地稍旱則失收農家不敢多種萊陽縣物產稻種分水旱紅白早晚昌邑縣物產稻水旱二種永安稻佳文水縣物產稻軟硬二種臨汾縣

物產稻粳糯二種 聞喜縣土產稻紅色惟董澤數村

出 涇川縣物產稻有早稻水稻二種其色紅 鄆陵

縣土產稻不秧種紅澀欠佳 洛陽縣土產稻香粳稻

柳條青糯稻 遂平縣土產稻屬黏米晚望水白馬尾

池紅毛晚糯稻白稻紅粟稻 羅山縣物產稻有早糯

占晚白芒黑之屬 光州土產稻白黃黑糯晚麻秈黃

瓜秈駝黎回直頭秈望水白 商城縣土產秈稻晚稻

黑稻糯稻紅稻 渭南縣物產稻有二種硬者炊飯名

粳黏者釀酒名糯產花園及大嶺川者佳酒河川次之

韓城縣土產濂壩宜稻志以小江南稱之然貿之域

外者無幾 西鄉縣土產稻類紅穀大小二種冷水穀

百日穀麻黏穀銀珠穀香穀黃秧早金線早黃瓜早紅

米早望水白安南黏青幹黏土黃黏鐵腳漢葉裏藏蓋

早黃已上俱飯稻百莖稻黃殼糯柳條糯虎皮糯寸穀

矮腳黃三百顆釣魚竿香兒糯麻殼糯已上俱酒稻

六合縣物產稻之屬粳穿珠稻紅蓮稻穀色青有紅粒

炊熟味甘香陸龜蒙詩近炊香稻識紅蓮六十日稻閃
西風下馬看穗長救公饑輒稈青箭子稻了田青百日
赤三朝齊靠離望洗耙早五十日熟紫芒稻蟬鳴稻花
裏黃鵠鶉舂觀音舂銀條舂落芒舂深水紅瓜熟稻晚
白稻早白稻香粳稻大粒長胖農人畏種之云種多則
傷田間穀糯趕陳糯虎皮糯火珠糯輦稈糯燕口糯槐
花糯白殼糯堆粒糯光頭糯矮脚糯金釵糯待西風烏
絲糯豬鬃糯佛手糯鐵梗糯魚鱗糯隨舂糯香糯繩兒

糯粒長不圓味最美 懷寧縣物產秈稻種遲早不一

其名甚多田有宜早稻者秋前收仍種晚禾有宜遲稻
七月登場者有八月九月登場者大約百日内熟糯稻
有大糯有秈糯其名不一大糯較佳晚稻名晚白者佳
赤與烏者次之 宿松縣物產稻有秈秠二種為早穀
為龍鬚早為團白為小白為無名種為休寧矮為金包
銀為賽子白為三度禾為鴨掌為拗馬為牽岡為水波
為寒先皆秈屬為魚子為虎皮為蜜蜂為白秈皆秠屬

歙縣物產秈有桃花紅有高郵紅自高郵移種者米色如臘脂有白禾稻之稍遲者長稈白米質柔味甘香瑩可愛然實輕易取盈於量而歉於衡田主貴之佃戶不貴也杭士人呼為大米然地不甚宜種名不一糯其種有青稈羊脂白矮釀之多酒有早歸生六月成有交秋糯七月成 寧國縣土產稻各種皆有其米不黏者名粳稻有掃帚白百日黃六月烏三朝齊銀條白葉裏藏矮箕早長箕早茄柯早下馬早湖洲秈白沙秈蝦鬚

秈蓮子秈竹了秈毛黃秈寒秈鼠牙秈金稈秈鐵稈秈
冷水秈金裹銀三朝黃瘦八尺雁脚紅金絲黃湖洲白
生鬚黃老來白光頭黃烏間白穿珠白思憶稻矮赤稻
撩霜晚霜下晚釣竿晚蘇州晚觀音晚隔山拖沿坵熟
福建秈三擔禾愛八擔紅粳稻其米黏者名糯稻有烏
嘴糯抄秋糯早紅糯遲秈糯白殼糯紅殼糯鴨脚糯烏
節糯硃砂糯楊枝糯柳條糯楊花糯青稭糯柿紅糯麻
子糯雪花糯魚子糯馬鬚糯望水白齊頭黃蓋下其見

缸消八斗糙

涇縣物產稻有早稻晚稻秈稻秫稻山

稻 南陵縣物產秈稻晚稻白芒稻黑稻糯稻

貴池

縣土宜秈其名有六十日白六十日紅八十日白掃帚

白百日黃六月烏江西早矮箕早蟻包早茄柯早下馬

早下馬看救公饑湖廣秈廣東秈白沙秈蝦鬚秈蓮子

秈竹了秈毛黃秈寒秈鼠牙秈金稈秈冷水秈金裏銀

三月黃雁脚紅撩霜晚霜下晚釣竿晚將軍晚蘇州晚

觀音晚糯其名有烏角糯抄秋糯早紅糯白殼糯紅殼

糯柳條糯楊花糯青稭糯隨秈糯柿紅糯麻子糯魚子
糯雪花糯馬鬃糯望水白齊頭黃蓋下箕見缸消七斗
糙青稭糯江西瀘溪有糯稱池州占蓋諸種之一也

太平府物產多秈稻多晚稻多糯稻有黑稻秈十三種
秈占城稻有六十日稻俗稱拖犁歸有赤紅秈有百日
秈黃秈稻細秈稻蘆稈秈麻秈稻大粒秈蝦鬚秈穿珠
秈一名觀音白晚稻六種早晚稻一名望水白又名大
子白晚稻白稭白芒白米雁來糧吊梗青一名寒青稻

糯稻十三種早糯稻一名雀不覺又名秈糯隨秈糯燕

口紅虎皮糯硃砂糯一名臘脂糯羊鬚糯黃糯稻即秈

稻細頸糯青殼糯抄社糯珠子糯橘皮糯紅陸糯廬

江縣土產紅秈稻白秈稻早糯稻晚糯稻黑晚稻白晚

稻香稻舒城縣物產白早稻黃瓜秈直頭秈江南秈

福德禾梳子秈白晚稻黑晚稻銀條秈雀不知紅嘴糯

女兒紅芝麻糯堆穀糯羊鬚糯銅嘴糯馬鬚糯觀音糯

青科糯齊秈早黃州糯無為州物產竹牙秈麻菇秈

落芒秈早白稻早紅稻青柯糯虎皮糯鵲不知烏尖糯
紅嘴糯白晚稻紅晚稻黑晚稻 巢縣土產紅稻有百

日秈直頭秈麻菇秈竹芽秈四紅秈胡秈稻王瓜秈拖
黎黃白稻有觀音秈銀條秈六十日秈青稽秈冷水秈

大粒秈亂芒秈麻穀秈千家愛糯稻有羊鬚糯硃砂糯

虎皮糯柳條糯齊秈糯牛筋糯青科糯紅芒糯馬鬃糯

纍糯深水糯燕尾糯晚稻有黑晚稻紅晚稻 臨淮縣

物產杭稻有麻子秈稻早先白稻黃瓜秈稻鵲鶉秈稻

烏山秈稻脹破殼稻矮白稻紅芒稻黑稻糯稻有羊鬚
糯馬鬃糯虎皮糯烏鬚糯槐花糯瓣子糯大糯小糯六
月黃糯 定遠縣物產麻子秈黃瓜秈烏山秈早先白
鵲鵲秈脹破殼矮白稻紅芒稻黑稻女兒紅羊鬚糯馬
鬃糯烏鬚糯大糯小糯瓣子糯虎皮糯槐花糯六月糯
五河縣物產稻有秈稻芒稻香稻早白稻深水紅稻
黃鷺公稻老來變稻下馬看稻黑糯臘脂糯馬鬃糯飛
上倉糯 泗州物產香稻亦芒稻也類晚粳色微黃紅

稗白實 鹽城縣物產稻有粳糯二種有早晚二熟有

紅黃紫赤黑斑青白數色 清河縣物產有稻曰秔曰

糯曰秈秈之早熟者曰旱稻旱田種者曰小芒稻後
種先熟者曰香稻味之芬芳者亦秔屬也治北七十里

舊有香稻莊 揚州府物產有黃稊烏節大小香斑秈

及小赤秈小白秈龍爪秈六月秈齊梅秈盧稈秈葉裏

秈麻觔秈大鵝秈白殼白芒早白晚白晚黃赤鬚黑支

焦黃烏口大紅芒小紅芒下馬看六月白鷺鷥白了田

青救公饑縋子籠下歡潮水白拖犁歸深水紅梅裏黃
弔殺鷄張公赤磊塊赤山骨崙鶴脚烏馬尾赤泰州紅
又名海陵紅紫紅芒雀不知觀音白皆杭類趕陳羊脂
燕口羊鬚秋紅橘皮烏飣麻魴虎皮豬鬃粉皮秋風雀
不覺皆秫屬 儀真縣物產多糯曰燕口曰紅芒曰麻
魴曰穗前黃多晚曰江南白曰駝兒白曰深水紅曰長
芒白多秔曰瓜熟曰龍爪曰鯽魚曰斑秔曰葉裏藏有
黑稻曰鶴脚烏曰豬林 高郵州物產早稻五十日六

十日秈稻斑秈六月秈齊梅秈蘆稈秈龍爪秈鯽魚秈
葉裏秈芭裏齊拖犁歸小赤秈小白秈麻觔秈大鵝秈
大香秈小香秈白稻早白稻晚白稻軟頸白羊鬚白駝
兒白青稽白青芒兒白頂霜白晚稻黃花稻小黃稻深
水紅鶴脚烏下馬看弔殺鷄母豬鱗糯稻秋風糯麻觔
糯烏絲糯趕上陳雀不覺羊鬚糯 寶應縣土產白秈
一水秈王斑秈齊頭白六月白香稻紅秈早紅蓮觀音
柳苗強水不易沒農多種之古上樓有芒宜水田五十

日七月上旬即熟視他種所獲較少蘆管秬宜水田小
黃稻宜旱田晚稻俗呼上白米是也刈獲最遲畏水不
敢多種大晚稻紅米宜水田糯稻臘脂糯殼紅米白烏
金糯米黑色虎皮糯殼色斑駁魚鱗糯拖犁歸七月熟
趕上陳七月熟雀不知七月熟 秦州物產海陵紅俗

名秦州紅馬尾赤鶴腳烏雀不知隨犁歸救公饑六十
日白觀音秬駝兒白小香早香黑早白早早秬斑秬焦
芒青芒赤芒黃芒紫紅芒烏殼深水紅了田青下馬看

鯽魚私香粢鱖魚黃皆秔稻趕陳糯羊脂糯燕口糯羊
鬚糯虎皮糯秋紅糯紅糯皆秣稻 通州物產稻種甚

多有早黃晚黃早白晚白早紅晚青青芒白芒青鬚黑
皮黃稬白殼烏節焦黃鷺鷥白串珠白潮水白深水紅
了田青其粒長性硬曰紅白私曰稚子斑早熟者曰救
公饑曰拖犁歸茂密而庭碩者曰下馬看見收曰牝六
升曰籠下歡曰薄十分瘦長雪色曰箭子稻中秋熟曰
閃西風初秋可蔣曰六十日不畏旱者曰撒殺天和他

米炊之甚香曰香滋糯曰川米早白最先熟而晚白則皮薄易釀芒赤米白曰虎皮性軟色芳曰粉皮一曰羊脂稈硬曰豬鬃皮厚曰薑黃早種宜釀曰趕陳雖熟不枯曰青枝稈柔可以為索曰麻筋亦有香如香滋者曰香稈 吳縣物產稻稈之屬箭子稻紅蓮稻穰稈稻雪裏揀師姑稈早白稻金城稻烏口稻早稻中秋稻紫芒稻枇杷紅下馬看大頭花瓜熟稻晚白稻黃梗秈一粒珠麻皮稈作飯粒長薄十分作粥易膩梗殺螻蛄香子

米八月白牛尾白丈水紅老來紅五石稻救公饑包十
石累泥烏土塘青天落黃糯之屬金釵糯閃西風羊脂
糯青稈糯秋風糯趕陳糯矮糯鵝脂糯川粳糯虎皮糯
羊鬚糯臘脂糯野人糯榧子糯恍雄雞烏鬚糯觀音糯
梗秬糯佛手糯小娘糯蟹殼糯喜蛛糯鴨嘴糯香梗糯
珠子糯 長洲縣物產六十日稻四月種六月熟米小
色白遲至八九十日熟一名早紅蓮又名救公饑紫芒
稻紫穀白粒金釵糯粒長鵝脂糯 崑山縣土產稻之

屬三十有六晚白稻紅綠稻早粳稻金城稻六十日稻
中秋稻雪裏棟紫芒稻救公饑下馬看紅蓮稻麥爭場
香粳稻薄十分黃梗秈麻子烏烏口稻百日赤稻烏兒
稻趕陳糯臘脂糯鐵梗糯虎皮糯羊鬚糯再熟稻榧子
糯水晶糯小娘糯香子糯閃西風稻竈王糯矮兒糯瞞
官糯羊脂糯金釵糯蘆黃糯 常熟縣物產紅蓮稻芒
長粒大箭子稻粒長色白味香晚熟早白稻晚白稻又
名蘆花白籼秈稻色斑粒長性硬或名勝紅蓮紫芒稻

紫殼白米雪裏揀稈軟有芒粒大色白師姑杭即矮稻
無芒粒白救公饑六十日可望熟又名早紅蓮香子稻
一名香穠色斑粒長以一勺入他米炊之飯皆香閃西
風一名早中秋八月半熟麥爭場最早熟百日赤芒赤
米白早熟占城稻即早稻金城稻粒尖性硬又名赤殼
烏口稻皮芒黑秋初亦可種下馬看即江陰黃粳俗呼
三朝齊枇杷紅皮薄色如枇杷時裏白早熟一名節澳
稻烏兒稻芒黑米白即晚烏輭黃粳米白粒大性輭味

香美金釵糯粒長性軟棗子糯殼黑青稈糯皮黃粒白
已熟而稈猶青羊鬚糯色白性軟趕陳糯米白熟早鵝
脂糯川粳糯粒大無芒一名圓頭糯虎皮糯色斑晚熟
臘脂糯殼紅粒白矮兒糯晚熟瞞官糯即冷粒糯鐵梗
糯稈勁無芒畏風易落細葉糯米白性軟 吳江縣物
產白稻其粒大而圓味甘美他邑所無出震澤者尤佳
其價高於常米十二三此則大江以南所絕無者 太
倉州物產秔稻春分節後種大暑節後刈為早稻芒種

節後及夏至節種白露節後刈為中稻夏至節後十日種寒露節後刈為晚稻過夏至後十日不成種矣早曰早白早烏早紅蓮八月白晚曰晚白晚烏晚紅蓮有紅芒者曰嘉興黃綠芒者曰梗殺蚩基光頭者曰天落黃紅色而香者曰香黃蓮黃色者鴨嘴黃其蘆花白銀杏白木瀆香靠山青諸種名不一糯稻早曰趕陳糯蘆黃糯羊鬚糯晚曰靠山糯老來糯虎皮糯其紅芒者豬鬃糯無芒而光者曰觀音糯曰梗鮮糯不耐風雨者曰小

娘糯又香子稻粳糯二色粒小而長以少許入他米數升炊之極香美又有圓白而稃黃大暑可刈曰蘆花糯性耐旱多收又曰瞞官糯佃多喜種凡糯穀須曝日中色變有光名上變方適用曝不變俗呼痴糯更不如蘆花糯 上海縣物產杭稻宜水有香杭米粒小性柔類糯有紅白芒二種又有一種曰香子色斑粒更小以三五十粒入他米炊之芬香可愛謂之香糰七月熟早白稻皮白米赤一名小白五月種八月熟早中秋一名閃

西風八月熟中秋稻四月種八月熟晚白稻四月種八月熟箭子稻粒長而細色白味甘香稻中上品九月熟紅蓮稻皮白粒大五月種九月熟攞稭稻皮莖白米色斑粒長性硬或以為勝紅蓮五月種九月熟早烏稻皮赤米白五月種九月熟紫芒稻穀紫米白五月種九月熟深水紅六月種九月熟烏口稻色黑晚熟耐水與寒今呼冷水稻下品也白花珠性軟而香五月種九月熟秈稻粒稍細耐水旱有六十日稻米小色白一名帶稗

回三月種五月熟百日赤芒赤米白一名挈犁望三月種六月熟小秈一名早秈三月種七月熟大秈即晚秈四月種八月熟金城稻高田所種米紅而尖性硬今呼赤米穀之下品糯稻有秋風糯稈黃米白粒圓色最難變每歲代晚稻輸租故一名瞞糯又名冷粒糯不宜釀酒種宜良田大暑節刈金釵糯粒長最宜釀酒得汁倍多三月種七月熟趕陳糯米粒最長四月種七月熟小娘糯不耐風水故名四月種八月熟矮兒糯粒白而大

苗最短四月種九月熟蘆黃糯即晚糯粒大色白芒長
熟最晚色易變釀酒最佳今名泥裏變羊鬚糯穀多芒
長四月種九月熟羊脂糯色白性軟五月種十月熟鵝
脂糯亦以色故名四月種九月熟虎皮糯色黃五月種
十月熟清浦縣土產六十日稻百日赤小秈大秈早
白稻中秋稻晚白稻香秈早烏稻紅蓮稻紫芒稻深水
紅金城稻秋風糯金釵糯趕陳糯矮兒糯蘆花糯羊鬚
糯羊脂糯無錫縣土產無錫米天下糯米本縣最美

本縣又唯南鄉揚名等處為道地色純白以釀則酒多
於他種 江陰縣物產黃梗稻無芒粒大性堅品最上
紅蓮稻芒紅粒大米最佳白稻皮芒白米赤其稻有早
白晚白早者六十日可熟烏鬚稻熟最早性柔稈弱紫
芒稻紫殼白米香子稻米色斑粒小而長入他米炊之
則飯皆芬芳今人謂之香珠金城稻四月種七月熟米
紅而尖性硬穀之下品辦穠稻綴粒甚密顆稍圓細靠
塘青稻米多稈長畝可三石瓜熟稻極早而粒長又曰

六十日救公饑鐵梗糯稻梗硬色黑水晶糯稻粒瑩白
如水晶虎皮糯稻五月種十月熟色斑斑然趕陳糯稻
四月種七月熟米粒最長短箕糯稻稽短九月熟極早
不損又一種名長水紅粒最長積三粒可盈寸極澇不
傷靖江縣食貨稻之屬有糯先熟易落曰早白糯皮
薄易釀曰晚白糯芒赤米白曰虎皮糯晚熟性軟色芳
曰羊脂糯稈硬曰鐵梗糯皮厚曰薑黃糯早種宜釀曰
趕陳糯雖熟不枯曰青枝糯稈柔可為索曰麻筋糯香

勝於香杭曰香糯旱種曰撒殺天又有秋分糯勻暖糯
焦子糯野鷄糯等名有粳米白早熟曰早黃川即早白
稻粒大性軟曰晚黃川又有曰晚青米長性硬曰紅白
秈粒大而佳曰早紅蓮早熟曰救公饑亦曰金升稻曰
拖犁歸圓碩見收曰秈六升瘦長雪色曰箭子稻中秋
熟曰閃西風初秋可蒔曰六十日曰烏口稻皮芒稍黑
和他米炊之甚香曰香滋米又有觀音秈茨姑秈深水
紅蠶子白三穗千下馬羨烏芒香珠等名皆九十月獲

丹徒縣物產稻有秔有糯秔之屬又有大小土人謂
大稻秔小稻秔大稻之種十六曰香子曰鯽魚曰灰鶴
曰時裏曰八月白曰蘆花白曰浪裏白曰白蓮子曰紅
蓮子曰早紅芒曰晚紅芒曰青川黃曰稭川黃曰馬尾
烏曰老了烏曰下馬看今又有塊紅芒靠山黃白芒紅
芒撒殺天數種小稻之種有六曰白尖曰紅尖曰晚秔
曰六十日曰八十日曰一百日百日種自占城來今又
有觀音秔銀條秔二種糯之種亦有九曰芒曰香曰晚

曰抄社曰羊脂曰牛蝨曰虎斑曰柏枝曰長稈今又有

黃皮矮箕早白中廣馬鬃雀嘴稱鈎紅芒麻筋早秋風
堆子紅殼鼈六升十二種 丹陽縣物產稻出西鄉者

佳而東南鄉近古荆城地數十里多種糯則地土所宜
有不同也 仁和縣物產秔有黃稈秈七月熟交白稻

逢白露則熟早遲芒晚遲芒金裹銀紅蓮子木樨黃鴈
來青種最遲泰州紅初稈黃黑鬚大黃稻小黃稻晚稻
種類不一鵝爪黃赤芒兒赤稻紅稈烏早遲芒花蓮子

銀杏白糯有早糯羊鬚鐵梗光頭臘脂烏鬚馬鬃金釵

蘆花 嘉興縣物產杭有香杭早花中秋晚花黃秈白

芒黃芒赤芒香稻烏稻八月白鐵稈青蘆花白秈有白

殼烏蓑鷄脚蝦鬚蟹爪香糯趕陳糯蘆花糯羊脂糯蒲

子糯 秀水縣物產杭有箭子稻香杭稻大秈小秈早

白稻晚白稻赤芒白芒早稻烏稻大烏芒小烏芒烏鬚

烏兔灰稻大黃稻小黃稻青頭光青芒稻馬鬃烏鵝脚

黃靠山青麻子烏赤秈晚陳小白稻雪裏揀了田青雀

蒲子糯觀音糯榧子糯茄子糯蟹爪糯蘆花糯菊花糯
石門縣物產早稻廣稻晚稻黃稻早稻將軍稻秋分
稻三穗千烏龍稻香粳稻鷄骨黃木樨黃蠶磨子綿環
稻早糯早糯中秋糯豬血糯晚秋糯矮脚糯香粳糯鴨
嘴糯羊鬚糯泥裏變 平湖縣物產杭之品香粳稻又
名紅蓮稻紫芒稻紫殼白粒雪裏揀色白粒大稈軟而
有芒蘆花白即晚白稻早白稻揀選稻鵲不知秋初早
熟糯之品金釵糯粒長鵝脂糯一名羊脂糯虎皮糯色

斑十月熟馬鬃糯榧子糯白殼糯西洋糯竈王糯羊鬚糯蘆花糯 歸安縣土產早赤芒鴈來烏薄殼稻觀音

稻大葉黃穠稬稻金城稻鵝脚黃金裏銀黃赤稻赤稻
八月白早黃稻晚黃熟三穗千野鷄斑山白稻冷水紅
香秔稻以上俱秔稻烏香糯硃砂糯馬鬃糯豬血糯羊
鬚糯黃皮糯矮兒糯鐵稈糯趕陳糯光頭糯以上俱糯
稻 長興縣物產秔之屬十二黃秈白粳赤秔烏稻烏
鬚稻宜興白觀音稻七月白宣州白三朝齊黃粳秈鵝

脚黃糯之屬七羊鬚糯烏香糯珠子糯趕陳糯白糯盈
塘青矮脚糯 孝豐縣土產稻有黃秈稻百日稻落馬
秈觀音秈紅黃秈趕陳秈光頭秈鐵梗糯羊鬚糯烏香
糯泥裏變糯硃砂糯 山陰縣物產早稻六月早熟紫
口甲嘴微紫粒細朝稽俗謂之老了烏麤稈細稈珠
早白黏晚白黏料水白歲遇甚潦輒能長出水上烏銜
來實類餘杭白而色稍青鵝脚黃穗低而葉仰健脚青
熟時莖挺而色猶青早黃黏餘杭白粒圓而白俗傳種

自餘杭來故名稚蒙粒麤而黏最短以上俱杭類雪裏
青江西稻矮宜興槌糯青稈糯水鮮糯八月早熟羊鬚
糯膳脂糯紅糯其芒赤其實較他種稍重矮方巾早熟
而殼薄黃殼糯早熟以上俱秣類 餘姚縣物產杭早

熟者曰早白早紅晚紅泰州紅野紅細稈紅上虞白黃
巖稻晚熟者曰早白黏晚白黏黃黏縮頸白羅村白湖
州白九里香光頭九里香八月白晚青糯曰趕陳糯早
黃糯水仙糯矮黃糯光頭糯旱田糯天落糯珠子糯金

裏銀泥裏變畔社早珠 臨海縣物產稻夏熟者名早

禾冬熟者名晚禾早禾早者一名六十日一名隨犁歸

一名梅裏白次早者一名白婢暴一名赤婢暴又有白

散一名八月白白粳遲青縮頭紅馬嘴紅早稜宜高田

倒水賴宜低田晚禾有早糯晚糯矮糯冷水糯烏節糯

白糯黃皮糯臘脂糯 天台縣物產秈稻紅稻糯稻晚

稻拖犁歸淮白矮白落馬相諸暨早毛白皆秈稻淮紅

長稈紅硬殼紅早紅細紅皆粳類白糯紅糯黃皮糯烏

節糯麻糯荔枝糯烏鹽糯毛糯野豬粳皆糯類 仙居

縣物產稻六十日黃巖早藍溪白縮頭紅金裏銀溫州

青霜下晚黃扁糯冷水清長稈紅早糯晚糯香糯 寧

海縣物產稻早紅晚紅早水紅縮頭紅縮頸早老辣赤

馬郎遲洛陽青湖廣白沙鮮白金裏銀櫻珠糯黃扁糯

黃巖糯諸種 湯溪縣物產早白禾早赤禾晚白禾晚

赤禾金裏銀白芒兒 西安縣物產稻粳有白禾紅禾

龍泉禾江西早六十日禾俱六月熟金裏銀太平早七

八月熟晚稻十月收以上諸稻浙西俱謂之尖米本色
僅有此種無所謂團米者糯有白殼糯紅殼糯重陽殼
湖州糯處州糯麻子糯草鞋糯臘脂糯鐵漿糯白芒糯
烏嘴糯俱同晚稻十月收又有晚禾神仙稻旱地可種
又有二種曰安南早曰浦稜最耐旱 龍游縣物產白

禾六十日禾龍泉禾紅禾江山早太平早金裹銀白殼
糯紅殼糯鐵漿糯白芒糯草鞋糯臘脂糯烏嘴糯晚禾
神仙稻 永嘉縣地產稻有地暴金成百箭白散早糯

八月白龍秬香晚占城磊黃晚糯隔江牽 瑞安縣物

產白散多芒色白小暑即熟地暴有紅白二色粒尖細
七月收水稜一曰小青粒純赤占城最耐旱有紅白二
色磊晚無芒百箭芒勁寄種輭稈白西芒白龍秬粒大
米白輭稈色白粒大味甘八月穫穫後其根復萌無異
初稻謂之早稻十月刈紅羅帳穎赤色金裹銀殼赤米
白早糯一曰大糯七月穫晚糯粒大而堅十月穫其名
不一有黃糯白糯烏糯矮糯青糯初冬穫金水糯即水

糯宜山田種之 樂清縣物產稻地暴有紅有白白散

紅芒占城早糯晚糯矮糯黃糯臘脂糯 平陽縣物產

稻有梅裏白地暴占城早赤白西龍籼野豬哽紅芒磊

晚軟稈黃芒太倉矮早早糯烏飢糯黃糯晚糯渠糯冷

水糯矮回水稜 松陽縣物產香稻白稻龍泉稻晚稻

占城稻早稻師姑稻冷凌稻早糯晚糯望秋糯烏嘴糯

淮南糯 龍泉縣物產稻有占城赤早早湖金華地暴

鷓鴣斑海棠碧巖中師姑白鬚糯烏鬚糯師姑糯社交

糯青粳馱子黃匾子赤芒白芒龍鳳竹香赤谷小子黃
糟糯下馬看椒子糯青粳糯荔枝糯赤鬚糯 宣平縣
土產蘭溪白金裏銀六十日黃蔡家私青田晚師姑晚
雉鷄糴雪稻下馬漢早糯九月糯晚糯烏節糯

欽定授時通考卷二十一

欽定四庫全書薈要卷一萬六百八十五

子部

欽定授時通考卷二十二

穀種

稻三

直省志書 新建縣食貨稻之屬占稻九十日占百日

占百二十日占北風占大生占見秋紅占背塘占晚赤

占齊頭占矮占柳占土黃占通仙占無名占毛占麻占

白米秋占洞占救公饑團穀早尖穀早一坵水七十日

早由風早百日早見秋早南早陝西早瀏陽早南陵穀

小赤穀赤穀烏穀冷水秋早大禾大赤米黃尖嘴大禾

大時禾七斗糙烏大禾硬藁占之外曰糯有百日糯鐵

糯柳條糯倒藁糯赤粒糯油麻糯椎子糯金絲糯大糯

馬牙糯紅穀秫虎皮秫 奉新縣土產稻團穀早尖穀

早救公饑隨犁歸七十日早百日早北風粘遲穀油紅

穀大禾芒大禾代禾皆粳稻早糯烏糯白糯黃糯紅菱

糯大糯皆釀酒糯 靖安縣物產早占百日早油紅蘆

花早油赤七月熟洞粘粽子糯麻糯九月熟稻糯冷水
糯寒粘大禾糯十月熟武寧縣土產百日占晚赤占
白米秋占洞占寒占雷州占救公饑君行早赤穀烏穀
臨江早一坵水望暑白黃泥占尖穀冷水秋大禾紅穀
糯白糯柳條糯稜子糯苦株糯烏節糯黃絲糯晚糯

寧州土產大糯赤糯百日糯鐵腳糯柳條糯油麻糯金
絲糯倒藁糯碓子糯馬牙糯百日粘北風粘百二十日
粘九十日粘大生粘晚赤粘赤穀矮粘見秋紅粘北塘

粘白米粘齊頭粘柳粘白米秋粘油紅粘秋粘小赤穀

土黃粘無名粘南陵穀毛粘虎皮秫通山粘冷水秋大

禾紅殼秫大赤米黃尖嘴烏大禾硬藁懶擔糞早大禾

七斗糙麻粘洞粘 高安縣物產稻有團穀早尖穀早

救公饑七十日早百日早秋風粘冷水粘遲穀大禾皆

硬稻早糯烏糯白糯黃糯紅菱糯鐵脚糯交秋糯重陽

糯遲糯大糯鴨脚糯皆釀酒 上高縣物產早穀有茆

葉早五十工洗白早頓齊粘蘇州早童子粘撫州早紅

米早白殼糯紅菱糯黃扁糯鐵腳糯晚穀有秋風粘吉
安早黃泥早亂麻粘冬粘木子粘長鬚粘粳禾糯重陽
糯燕口糯大禾糯柳條糯黑鬚糯紅殼糯白殼糯建
昌縣物產稻杭之早者有望暑白救公饑刷簫早一坵
水諸名秫之早者曰大糯有赤白二種杭之遲者有北
風粘八月白烏穀芒穀之類秫之遲者有團糯粘糯荔
枝糯之類又有晚粘稻晚糯稻之類則刈早稻而復植
於早田者 德化縣物產早穀有駝犁白留姑早王瓜

早六十日九十日等名白穀有竹了粘蘆花白大白穀
等名紅穀有鴨脚社柳條赤等名晚稻米白而質膩種
後晚生烏穀穀黑而多芒五月始種芒穀一名種穀有
烏白二種糯穀有早紅糯穀糯黃金糯哽鷄糯數種

玉山縣物產早穉白穀紅穀早糯白糯紅糯晚糯晚禾
建陽早紅米糯 鉛山縣物產救公先三朝齊竹了早

白沙早高脚紅紅根早北風粘夏桃紅三有禾五家傳
猴孫糯上早糯八月糯重陽糯胡椒糯苦株糯師姑糯

響穀糯羊鬚糯秬粟糯 興安縣物產早穡有六十日

早上早等名白穀有竹了白沙紅根早桐子白福德早

等名紅穀有桃紅竹鷄斑早紅遲紅晚穀俗呼大禾穀

糯穀有早糯赤糯重陽糯白穀糯徽州糯連根糯等名

東鄉縣物產早粘救公饑夏桃紅白沙粘池州鮮倉

背笑下馬看竹極粘冬粘早糯晚糯白穀糯青絲糯焦

紅糯 南豐縣物產五十日粘六十日粘淮禾早大穀

早白沙早龍牙粘黃土粘江東粘百日粘清流粘華山

粘溫涼粘茅裏粘八月白鐵脚稈光頭藜缺芒藜細穀
藜三有糯響鈴糯重陽糯虎皮糯椒子糯老人糯長腰
糯鹽夫糯光頭糯 廣昌縣物產六十日粘白沙早光

冬冬粘茅裏粘紫糯重陽糯虎皮糯 瀘溪縣物產稻

之屬有早黏有遲黏有糯稻名目不一其早黏春社日
前後浸種立夏前後蒔立秋而熟最早者名五十日黏
次名六十日黏他種青黃不接而此兩種先可食田家
種以繼不足俗云救公饑是也餘一名梔上早有紅白

二種七十日始熟白沙黏三月種六月熟米圓而大江
東早耐寒多粒大穀黏細穀黏二種以粒大小異名耳
百日黏福德黏八月白晚稻而早熟者米香白可貴至
若李廣黏石城黏龍牙黏流水黏池州黏冬黏鐵腳黏
俱色朱而堅九月始熟稻之黏者重陽糯應節候而熟
故名黏禾稻與早禾同熟即五十日糯也關公糯穀紅
而米白老人糯芒刺長而穀赤石冊糯早晚有異名目
不一萬安縣土產江州禾冷水白百日黏紅穀晚穀

烏嘴大稻晚糯秋風糯青鐵墜白糯黃鐵墜鐵腳撐綿
子白羊蹄糯硬木香大秋風油麻糯光骨蕾柳條糯

清江縣土產稻最早熟者名救公饑色白味香甘有團
穀早雲南早諸種孚甲薄而米堅好有秋風黏蓂衣黏
諸種色赤甲厚有金穀黏田之低窪者種之六月插秧
九月方熟有晚稻至冬乃熟色白粒長種之者少而性
則冷又有早糯有晚糯 宜春縣物產黏穀紅白二種
有五十日黏六十日黏八十日黏百日黏大黏鬚黏晚

穀贛州早團穀早早穀糯穀有早糯晚糯白穀糯燕口

糯鴨婆糯矮脚糯重陽糯子紅糯 萍鄉縣物產鬚粘

圃粘安福粘團穀粘百日粘紅米粘白穀粘贛州早救

公早務原早大米禾大紅禾百日糯重陽糯北京糯紅

鬚糯粽子糯黃絲糯烏鴉糯 雩都縣物產早稻大穀

早晚稻八月白冷水白葉底粘早糯重陽糯大糯蝦鬚

糯 安遠縣物產早禾八月粘火燒粘大禾早糯黏子

糯蝦鬚糯晚糯 寧都縣物產六旬黃七旬熟日日赤

八月白留外婆救公饑師姑早和尚光倉背笑大穀早

鼠牙早矮脚紅金包銀響玳瑁石上珠廬江早茅裏苦

重陽糯 瑞金縣物產稻晚稻早稻早糯大糯金包銀

水珠糯湖廣糯陝西糯羊鬚糯 龍南縣物產六月早

七月早八月早晚稻早糯黏糯重陽糯大冬糯大禾穀

定南縣物產火燒黏六月熟重陽糯黏糯早糯 蒲

圻縣物產稻之類有洗白早金環早陵江早無名早無

名遲麻赤穀馬鬃糯柳條糯蝦鬚糯 咸寧縣物產山

黃稻望水白留姑早銀包金黃姑早竹雞斑花黏六十
日早香稻折稻大粒穀和尚苗銀朱苗烏鬚苗馬牙糯
見缸消細子糯六月零糯下馬看浮糟糯蝦鬚糯橘皮
黃 漢陽府物產稻屬有洗耙早拖犁回六坵水七十
日黏待時早江西早麻黏兒白芒兒王瓜早秋風早青
黏火黏騎牛撒早糯晚糯鬚糯牙脂白虎皮糯柳條糯
烏節糯油紅黏蘇州晚香稻接早子蓋草黏等芭齊落
地黃雀不知 蘄水縣物產黏之屬曰黑穀曰五十黏

曰六十黏曰七十黏曰圓頭黏曰齊頭黏曰楊三黏曰

矮脚黃黏曰蓋草黏曰銀條黏曰無名黏曰天降黏曰

蝦鬚黏曰金色銀黏曰得雁紅黏曰浙江黏糯之屬曰

飛上倉糯曰魚子糯曰馬粽糯曰雪黃糯曰蜜蜂糯曰

虎皮糯曰破殼糯曰除黃糯曰黃金糯曰徽州糯曰烏

節糯曰童子糯曰淨田糯曰芭茅糯晚之屬曰八月晚

曰烏節晚曰光頭晚曰徽州晚曰童子晚 羅田縣物

產稻類七十日秈百日秈四節穀蓋草秈油粟赤秈雲

田秈瘦田秈柳條赤秈白花秈大粒赤秈烏風秈黃泥
秈脂頭秈麻秈穀矮脚黃秈烏三節秈黃粒穀三朝齊
望水白水葡萄紅桃熟江南晚黑穀晚芭茅晚子晚穀
珍珠晚紅節穀鬚鬚晚香子晚桐子晚交秋糯老人籐
紅殼糯馬牙糯白殼糯黃瓜秈鐵脚糯馬鬚糯折二糯
界下箕三百零糯蜜蜂糯羊鬚糯黏糯 黃梅縣物產

早稻曰洗耙早救公饑流水早一刀齊飛上倉黃金糯
晚稻曰烏穀見秋紅竹極黏蓋草黏青水糯柳條糯烏

節糯赤米糯 德安府物產稻有黏者黏之類有三曰

早稻曰遲稻曰晚稻早者則有所謂落地黃救公饑一
坵水等芭齊接早江西早此布種宜早且須沃壤遲稻
則有所謂無名黏榔頭黏銀條黏青黏亂麻黏溝黏道
黏囊八石者色皆白又有色紅者曰紅殼晚稻有芒種
於夏秋之交穫於冬初一種名香籽晚者以味香故有
名蒼穀者其種法不必浸種分秧但耕田下子五六十
日可實湖人被水害者水退不遑他穀故多布此然亦

須田山原不多藝有糯者分早遲二種早者名金線糯
絲茅糯留兜翻墊倉底虎皮糯布種宜早遲者名柳條
糯鵝翎白溜沙白紅糯紅毛糯烏糯 枝江縣物產稻
之屬有大黏有小黏有香黏有早稻俗名五十黏有晚
稻臨冬方熟另有以糯穀名或紅或白或畫眉或柳條
蓋隨其色與形而轉名也 寧鄉縣物產穀種十有一

曰竹枝黏又名落花黃洗鎖早救窘糧收甚早六十日
黏有高脚短脚之分收亦早百日黏一名大穀早以上

色俱白油紅黏一名紅米早以上收頗早秋紅黏一名

硬頭紅又名南禾螃皮黏又名柳黏收稍遲以上皆食

類珍珠糯又名燒衣糯麻糯一名響糯又婆耘又名巴

過嶺言難落也早白糯遲白糯以上皆飲類 瀏陽縣

土產稻之品有白黏紅黏麻黏茆黏黃泥黏鬚黏又名

曰鹿見愁晚米黏金包銀糯早糯晚糯 湘鄉縣物產

稻之類有沙丘早江西早楊柳黏齊頭黏金包銀油綠

黏紅晚禾麻黏順水拖亂麻黏燒衣糯早白糯蜜蜂糯

黑糯黃糯麻糯蠻子糯模糯紅殼糯 邵陽縣食貨稻

之屬有杭盤穀早五十日黏六十日黏夜齊早鷄婆早
祈陽早赤鬚早桐子白沙黏皆熟於六月中鯽魚白火
燒黏油黏桂陽黏蘇州早大穀黏思南黏皆熟於七月
中福德黏亂麻黏北風黏深田紅皆熟於八月中南木
杉下馬看香甜米馬尾黏臨武黏靖州黏道州禾廣西
禾皆熟於九月十月乾禾種於山蓋茅黏同人黏芥菜
黏銀莖黏金包銀烏鴉黑四香禾六月白江西早八風

黏隴裏黏鬚黏割根秈扁砂禾粟子杭順水拖蛇牙黏
以上早晚熟有候有糯裏田紅矮婆糯紅殼糯銀莖糯
蝦公糯冷水糯蠻子糯思南糯麻糯響糯木禾糯乾禾
糯種於山早晚種熟有候桂陽糯蓋茅糯巴仔糯鷄婆
油糯刷把糯蜜蜂糯銀綿糯拋糯 城步縣物產稻之

屬百日黏油黏銀莖黏桂陽黏蓋茅黏麻穀黏夜齊黏
沙黏大穀黏北風黏隴裏黏呆黏割根秈扁砂禾南木
秈雲南紅杉木紅赤米紅老來白南流根野豬鬃大白

禾香白禾冷水紅桂陽糯矮糯紅殼糯蝦公糯黃絲糯
冷水糯水管糯響糯 新寧縣物產稻秈之屬六十日

黏火燒黏蓋茅黏大穀早同人黏思南早芥菜黏銀根
黏金包銀烏鴉黑四香木六月白江西早八方黏隴裏
黏鬚黏南水秈割根秈扁砂禾栗子秈順水拖蛇牙黏
冷水紅糯之屬響糯油糯刷把糯矮糯麻糯蜜蜂糯鷄
婆糯銀線糯蠻子糯桂陽糯蓋茅糯鰕公糯白莖糯巴
仔糯黑糯 衡陽縣物產兩接早救饑早安南黏糗黏

油紅黏百日黏團穀黏齊黏天降黏秋黏冬黏順風黏

晚禾黏早糯白糯黃糯紅糯鐵鬚糯大糯花穀糯 永

明縣土產早稻之品百日黏鼠牙黏蘆荻黏短穀黏冷

水黏李家糯白雉糯旱地禾赤米黏白米黏寶慶禾晚

禾之品珍珠秈里宗禾白皮赤律禾晚地禾珍珠糯麋

毛糯白鬚糯鰕皮秈豆子禾荔浦禾大白糯細白糯紗

藍糯 永興縣土產兩節黏百日黏翻生黏紅頭黏生

鬚黏南黏寶慶白茶子禾梁山黏油黏梁山糯南禾糯

黃絲糯紅禾糯銅鼓糯大禾糯百日糯冷水糯 興寧

縣物產金包銀黏湘潭黏火燎黏雪黏桃花黏脫黏百

日黏三夜齊豬膏黏鬼見愁黏黃糯大紅糯銀硃糯鴨

婆糯南禾糯黃瓜糯銅鼓糯涼傘糯 桂東縣物產南

京粘茅裏黏洗白黏靜洲黏三寶黏毛仔黏大禾糯紅

米糯冷水糯柳條糯黃瓜糯 達州方產稻有早黏晚

黏大白黏拋犁黏香黏黃黏各種 嘉定州物產稻其

最佳者糯則有百金早三百顆花殼紅殼豬脂虎皮黏

則有毛香子百日早老鼠牙蓋草黃等名其尖刀穀黑泥黃泥等黏皆常品在在宜之惟佳者非腴田不可

眉州物產稻有白早毛香麻早黃泥黏黑泥黏青稗黏三百顆花穀糯柳條糯豬油糯清酒缸 榮經縣物產

稻之屬蓋草黃金線早洗把早冷水穀石頭穀義子穀白穀紅穀白糯麻糯馬胡糯香糯 福州府物產稻二

種曰粳曰秣名品甚多志其大者春種夏熟曰早稻秋種冬熟曰晚稻其歲一熟者曰大冬又有各種曰旱黏

山田可種附郭則少曰天降來從霜降後熟曰薰提曰黃芒與早稻同熟曰占城與晚稻同熟曰稊早稻既獲後苗始蕃亦與晚稻同熟曰土稊多出洲田其歲再熟者又有曰金洲曰白香稊與早稻同熟者曰早稊與晚稻同熟者曰晚稊與大冬同熟者曰大冬稊古田縣物產稻之屬赤早穀黃米紅無芒七月收白早穀米俱白亦名古田早八月收白稻穀米俱白有芒十月收降來穀米俱白無芒可作麪九月收芒啄穀米俱白芒短

十月收紅芒秣穀紅米白而大有芒豬骨秣米白無芒

十月收福清縣土產早稻有白赤二種信州早種出

信州副院早種出天竺副院金城早色紅占早種出占

城輪早稻既獲後其苗始蕃晚稻色紅有芒秋種冬熟

大冬色白有芒一歲一熟天降來霜降後熟大白秣芒

白膳脂秣色畧似膳脂鵝卵秣粒似卵形黃閏秣粒長

莆田縣物產稻有大冬稻早稻晚稻大冬稻春種冬

熟歲惟一收早稻春種夏熟獲後即插晚稻歲可兩收

有米黏可釀酒者謂秣有米白而香者謂白稜又有黏稻俗名早黏白黏又有畚稻不用水耕高山皆可種

仙遊縣物產稻有粳有糯年一收者謂大冬稻其粒大年兩收者春種夏熟為早稻秋種冬熟為晚稻一種黏稻無芒而粒大其色有白有斑有赤稻名有白香白黏青黏早赤烏秣赤秣等名 泉州府物產稻之屬早稻有赤白二種晚稻有赤白二種大冬有赤白二種寄種與早稻同下種早稻刈後更發苗至十月結實有芒米

赤色又一種無芒青晚埭田多種之其種與收俱遲於
早稻一月米色赤占城稻耐旱其色有白有斑有赤自
種至熟僅五十餘日涸燥之地多種之畬稻種出獠蠻
必深山肥潤處伐木焚之以益其肥不二三年地力耗
薄又易他處白香春種秋熟有芒殼黃米白味香又一
種無芒更美名過山香降來夏種秋熟有芒差短殼米
俱赤大尖春種秋熟殼赤無芒與早赤大同小異又有
小尖比大尖差小中灌五月種十月收殼赤米白已上

秈稻早秈晚秈大冬秈赤莠秈莠穗赤色米白即荔枝
秈牛頭秈一名好穀而清香白鬚秈即赤六已上糯稻
惠安縣物產稻之品先後遲速大率繫於地氣依山
山高氣深寒常多暮春漬種苗生甚遲至冬乃熟謂之
大冬分赤白二種白中有秈有糯顆大殼厚味香氣力
完足雖一種而收入兼二季所有者平原之地暖常多
驚蟄後即漬種至秋初而熟謂之早稻又翻治其田種
冬稻早稻種類頗同大冬而氣力差減冬稻皆秈赤米

青晚耐風與水旱亦能勝鹵氣埭田多種之其種與收

俱遲早稻一月又有烏芒稻種清甲微拆投土中乃發

芽抽苗與青晚同熟鹵地之尤鹹者宜之殼麤厚味酸

澀不香占城稻耐旱瀕海春多雨至夏常旱此穀自種

至收僅五十日備旱之地多種之亦有赤白二種畝稻

漳州人來賃山種之同安縣物產秔稻有大冬早種

早粳遲粳晚粳諸種糯稻有虎皮黃羹花眉山豬兔白

秣赤殼白黏過山香諸種禾亦糯屬宜亢爽地粒頗大

味亦香 永春縣物產早稻晚稻大冬寄種青晚早秣

晚大冬秣 龍溪縣物產稻有早稻春種夏熟有粳有

糯米有赤白二色糯米謂之大秣有晚稻秋種冬收有

芒多赤近亦有白者亦有糯米謂之小秣有大冬夏種冬

收亦分粳糯二種又有寄種與早稻同種與晚稻同收

水田多有之有黏稻性耐旱其色有白有斑有赤比諸

粳反佳白者為上班次之又有香稻芒紅味香有白柳

米極精白又有畚稻顆粒最大俗呼曰禾 漳浦縣土

產稻有粳有糯有尖有香稻有白柳其實有白米有赤

米 長泰縣土產秔稻種有早晚早六月收米盡白有

山東安南等名晚十月收米赤白兼白名斑黏柳仔赤

名大稻回洋等不一又有大冬年一收殼厚米尤硬糯

稻早晚俱有赤殼者名金包銀晚有斑黏蛾眉長芒鵝

卵等種米俱白赤殼為上 大田縣物產早仔大稻金

城早八月白長芒 尤溪縣物產稻有秔有糯糯有虎

皮黃羹花眉諸種其顆大純白氣力足者謂之半溪秣

秔則有南安早山東早江西早百日早宜初春種又一
種附春稻種而與秋同熟謂寄種亦秔屬而氣味差減
建陽縣方產稻屬禾仔未立冬收黃禾宜肥田三月
種十月收孫都禾宜肥田三月種七月半收浦城白蘇
州白有芒俱宜肥田黃衣禾赤殼禾俱瘦田可種葡萄
禾其米赤九月收小烏禾荔枝禾其米白瘦田倒俗名
旱禾山原多種糯屬重陽秔重陽時熟車排秔黃衣秔
其色黃鐵尻秔珍珠累大冬秔白秔仔東溪秔牛尾麻

子秣無芒秣灰秣俱宜肥田公婆秣 崇安縣貨產稻

之屬紅禾赤禾烏禾糟禾青秀禾烏蒂禾小穀赤車斑

禾葡萄禾荔枝禾吳家傳鷓鴣斑下馬看蘇州子瘦田

倒薤秣禾魚禾以上皆晚禾大早小早粳早福德早紅

根早師姑早龍游早汀州早政和早火燒早以上皆早

禾巖秣重陽秣大冬秣黃衣秣蘇州秣鐵腳秣牛尾秣

以上皆秣禾 浦城縣土產小早九十日熟米有赤白

二種無芒六月收大早一百二十日熟米有赤白二種

無芒白秈早龍鳳早師姑早白芒早秣以上七月八月
收烏龍牙下馬看銀硃秣黃穀紅秣椒子秣冷水秣粳
穀吳傳苦秣禾以上九月十一月收 政和縣土產大

早六十日江西早清流早禾大糯小糯 壽寧縣物產

烏節早清流早芒丁早上東早下南早赤殼早大紅溪

頭早烏帶赤芒早黃柏藥大糯珠糯三下槌林下黃大

小黃柴紅白糯 光澤縣物產早稻八月白稻大黑稻

大黃稻赤糯稻白糯稻 建寧縣物產六十日黏百日

黏秋風黏溫涼黏陝西黏清流黏肥豬黏大穀黏八月
白獲黏金城禾光頭禾以上皆早稻春分節後插大暑
節後刈黎木赤堆穀白白穀赤矮槁紅漢公烏撫露白
垂金赤小金禾鷓鴣斑甸山白野豬愁以上皆晚稻宜
下濕夏至節後插白露節後刈白露糯響鈴糯長腰糯
苦株糯虎皮糯羊鬚糯重陽糯青皮糯道峯糯竹絲糯
黃絲糯椒子糯大冬糯以上皆糯內惟響鈴一種造酒
甚佳 臺灣府土產早稻晚稻禾黏稻水田者名為水

黏芒種後種米絕佳埔地者名為埔黏立夏後種米稍遜
寧德縣物產稻春種夏熟曰早稻春種冬熟曰晚
稻早稻有白早有烏早有金城早即占城早也近有鋪
種早先晚稻一月而熟晚稻有白稻殼米俱白有紅稻
殼赤米白有紅米娘殼黃米紅有光頭郎無芒米白有
米秀穗長米白秣稻有紅秣有黃卮秣近時有一種米
耗紅性極柔膩蹂為粉若丹粉然 番禺縣物產糯米
有兩熟早熟五月收性多堅宜粉食其稈柔邑人和泥

塗壁能久名花殼糯晚熟十月收性粘軟名蜜子糯宜

釀酒其稈燥不適於用黏米早熟有望夫岡早糯新會

黏黃黏南京白料禾潤各種五月收晚熟有黃黏鬼奴

黏白殼諸種九月收水田一熟有大禾霜降赤黏秋分

黏紅鬚稻蝦稻諸種四月下秧九月收從化縣物產

稻之品曰黏有赤黏黃黏白黏花黏薯梁黏鷓鴣黏深

水蓮糯有黃糯白糯紅糯麻糯秈有餘秈赤秈增城

縣物產稻多黏早熟有冷黏赤殼黏晚熟有白花黏赤

花黏鼠牙黏最佳多糯有黃糯白糯焦糯聖糯又有香
粳最美 新安縣方產稻類早黏黃黏斑黏鹹敏紅頭

黏鼠牙黏黃糯白糯早糯早糯高州糯烏嘴糯紅糯黑
糯莆菱菱穀 乳源縣物產稻之屬曰黏有矮腳赤色

高脚白米遲黏交秋黏鼠牙黏大谷黏黃黏曰糯有光
頭糯紅糯早糯黃糯椒糯鐵皮糯白糯 龍川縣物產

黏稻有積玉雪堆金包銀赤白湖裏鼠牙鹿角嘴粳稻
藤糯稻藤黃馬尾蝦公香白赤烏鬚早稻有黏粳糯三

種有六月熟者有八月熟者輦稻亦三種山間待雨而

耕

輦字典
不載

海陽縣物產稻之屬為赤早為白早為烏

種為早秣為大秣為尖秣為白黏為黃黏為赤腳黏

程鄉縣物產稻之屬為赤早白早為早秣大秣為白黏

黃黏為赤腳黏為香禾畬禾歲田一穫為大冬惠來

縣物產粳之屬有光鐵漢六十日西風早光早金包銀

糯之屬有烏早早落火燒赤腳馬牙平遠縣物產稻

之屬白黏赤黏百日子南安早俱早收金包銀九月子

高脚赤矮脚赤雪裏芒瑞金黏清流黏俱晚收響糯白毛糯紅光糯俱早收高脚糯蓑衣糯畚禾糯俱晚收

鎮平縣物產稻之屬為赤早為白早為百日早為旱糯為冬糯為白黏為黃黏為赤脚黏 高要縣土產穀品

多黏多稻多秣黏在腴田則有細黏青稔紅稔麻包錦鼠牙下馬看清水黏黃魚串落滋黏山豬怕八月黏潮田則有黃連黏交趾黏大黏淋漓黏大長毛小長毛晚赤之屬稻早晚旱三種又有尖鼻烏尻鷓鴣臀又有大

禾稻鬚芒及寸種塘中與水俱長莖丈餘正月布穀九月乃登秣有赤糯白糯黃糯油糯烏豚糯斑魚糯羊鬚糯荔枝糯番鬼糯水流糯早糯早糯紐糯性軟味香米粒長三分極大昔無今有番鬼糯一名番生羊鬚糯一名羊眼陽江縣物產稻種類頗多以細黏為上黃糯白米青黏次之黃黏又次之毛穀為下高明縣土產

稻有早晚早三種又有尖鼻烏尻鷓鴣臀又有大禾稻鬚芒及寸種塘中與水俱長莖丈餘正月布穀九月乃

登黏在腴田則有細黏青藁紅藁麻包銀鼠牙落滋黏
山豬怕八月黏黃連黏糯有赤糯白糯黃糯油糯烏豚
糯荔枝糯番鬼糯旱糯旱糯 電白縣物產稻有黏曰
青藁曰黃黏曰白黏曰赤黏曰白殼曰牛皮早曰細粒
曰早黏曰長鬚曰懶黏曰黑鐵曰馬尾黏有糯曰荔枝
糯曰靈山糯曰油糯曰白糯曰長鬚糯曰番鬼糯曰早
糯曰懶糯 石城縣物產稻之種曰早稻曰早黏曰六
十日曰芒稻曰馬屎曰禾名曰黃黏曰白黏曰馬尾黏

曰小黏以上米白曰鐵槌曰紅周二種米赤曰牛牯不

懼風曰大糯紅芒黑芒無芒三種曰小糯曰粳曰香秈

曰黃穠朱鵝黃色近遂溪界有之曰水茆宜水田曰鹹

稻曰太塞二種宜鹵田曰百稔曰坡黎曰坡蘭曰坡禾

名四種宜高坡曰山旱曰山禾名二種宜山徑人利之

曰茆稻二月與早種拌播刈早禾後乃茆生 海康縣

土產稻之種十有五曰早稻早黏秣稻光芒稻長芒稻

香秈粳稻古秈珍珠稻黏稻百稔稻黃穠稻茆稻紅芒

稻烏芒稻 合浦縣物產稻屬六禾白禾毛禾赤禾坡

禾畬禾旦糯八月粒赤陽糯晚糯老鴉糯 欽州物產

稻屬六禾毛禾白禾赤禾翼糯八月粒馬蜆糯赤陽糯

白粒赤粒毛粒畬禾潮禾大糯蝦鬚糯香臺糯交趾糯

瓊山縣土產稻粳秫二種粳者曰白芒曰香秔曰烏

芒曰珍珠曰鼠齒曰早禾曰黏稻曰山禾秫曰光頭曰

九里香 澄邁縣土產秔稻糯稻秔有數種曰百箭烏

齋黃蕉東海鼠牙八黏矮脚白芒紅芒烏芒早禾山禾

坡稻小種稻黏稻糯有數種曰黃鱸烏鴉烏罕光頭坡

糯小熟糯

會同縣土產粳稻長芒百箭俱二熟黃沙

黑芒紅芒牛鬚俱小熟黃琉山豬斑蓋鼠牙烏節廉州

珠蓋穀圓如珠七黏俱大熟山禾坡禾俱山中之人刀

耕火種亦大熟糯稻牛頭芒花烏鴉狗蛇穀傍有翅如

蛇黃鱸馬眼光頭大糯小糯

儋州土產秔稻有赤黏

烏齋百線香禾珍珠禾山肉赤鬚山禾黎人伐山種之

曰刀耕火種早割藝之三月即熟鼠齒偶獲數種糯稻

有黃鱸貝子黑糯早割交趾五月光頭數種 羅定州
物產稻有黏其種七曰黃曰赤曰白曰細粒曰青蒙曰
早曰長鬚有糯其種四曰荔枝曰番鬼曰瀨曰坡有粳
有秔似粳而黑六月熟 懷集縣物產白銀黏桃花黏

岡黏番生黏紅米黏沙黏南寧黏斑黏白銀粳香粳烏
牛粳鐵錘粳香糯塔岡糯狗踏糯油糯鴨脚糯大紅糯
安南糯番生糯無鬚糯桔貝糯早龍糯白藤糯禿鬚糯
南寧府物產稻粳有毛粳六月粳八月粳黏有白黏

紅黏早黏鼠牙黏長腰黏六月黏糯有紅白黃皮黑皮
諸種早糯含香糯黃鬚糯黑鬚糯六月糯光糯毛糯狗
眼糯赤陽糯黃蠟糯斑糯鶉鳩糯銀絲糯泥糯魚包糯
飯糯香糯 新寧州物產黏穀早穀晚穀勝穀淥禾穀
大苗穀三月穀麻現糯白殼糯花殼糯烏殼糯振安白
糯 橫州物產稻有秔黏糯三種秔有毛秔六月秔八
月秔黏有白黏紅黏早黏晚黏畚禾黏其穀之光芒大
小長短不同其米之赤白紫烏堅鬆香否不一總以晚

白者為第一糯有光糯毛糯狗眼糯黃蠟糯斑糯早糯

香糯 昆明縣特產香糯 富民縣物產紅稻白稻柳

葉糯 宜良縣特產茴香糯 嵩明州物產麻線穀光

頭穀金裹銀糯青芒白穀紅穀 呈貢縣物產白穀紅

穀老鴉穀糯穀長芒穀 昆陽州物產大白穀小白穀

冷水穀水長穀老來紅青芒穀大小糯穀早穀 建水

州物產紅稻白稻黃稻香稻糯稻旱稻香糯黏糯柳條

糯 石屏州物產小白穀安顛穀冷水穀大細麻線紅

心百日早烏穀紅皮紅白梗齒柳條新興白紅他狼鐵

穀假糯飯糯響穀花皮長無芒香大小糯米葉裏藏金

裏銀 通海縣物產香穀百日早黑穀小白穀紅芒穀

冷水穀背子穀柳條糯紅皮白皮黃米 嶧縣物產

香穀糯穀白穀紅穀黑穀早穀早穀細穀 蒙自縣物

產香稻紅稻白稻早稻長芒稻水旱稻紅皮糯黑皮糯

柳條糯 新興縣物產稻之屬黃穀小穀落子穀百日

穀香穀葉裏藏黑大穀早穀水穀金裏銀糯之屬柳葉

糯紅穀糯香糯圓糯 廣西府物產稻之屬香穀早穀

早秧穀白心水穀紅心穀早穀遲穀黃皮穀黑皮穀老

來紅三白子背子穀麻線穀青芒穀羊毛穀蔓穀糯之

屬圓糯長糯黃糯黑糯弔糯小糯臘脂糯虎皮糯香糯

柳條糯 趙州物產稻之屬十三白麻線紅麻線豆嘴

白穀紅皮矮羅青芒老鴉翎金裏銀早穀弔穀葉裏藏

白毛穀糯之屬八香糯穀糯黑嘴糯油糯柳條糯大糯

小糯白圓糯 雲南縣物產紅麻線大黑嘴白鼠牙大

香穀 鄧川州物產金裏銀銀裏金矮樓長芒光頭香

糯紅糯大糯小糯麻線高脚梁白鷺豐老鴉翎 雲龍

州物產穀之屬十落地白白麻線黑嘴紅皮矮白皮矮

早弔六月熟金裏銀銀裏金早稻秣之屬四香糯黑嘴

糯響穀糯麻線糯 永昌府物產飯穀有十種光頭穀

毛穀早穀麻線穀香光頭穀紅穀黑早穀白早穀葉裏

藏穀金裏銀穀糯穀有九種紅糯白糯烏糯水糯虎皮

糯柳葉糯香糯大糯團顆糯 楚雄府物產秣秣糯粳

黃殼烏嘴虎斑紅芒 廣通縣物產稻為秔為糯為秈

為黃殼白殼為烏嘴紅芒為虎斑為香糯為香稻為金

齒鼠牙其別種也為旱稻 定邊縣物產稻之種十鴉

林稻紅芒稻白殼稻黃殼稻虎皮稻白黑稻烏嘴稻大

香稻晚稻早稻 姚州物產稻之屬紅白毛穀光頭長

毛麻線青芒早弔穀 鶴慶府物產紅稻白稻長芒稻

香稻出羅陋川細稻出大孟村冷水稻三月栽六月熟

麓川稻種自麓川來金裹銀稻皮紅米白銀裹金稻皮

白米紅麻線稻虎皮糯珍珠糯牛皮糯松子糯旱糯


順寧府物產稻黃穀黑穀紅穀遲穀花穀矮老糯安喜

糯安慶穀安來穀 蒙化府物產稻杭香杭黃黑紅白

遲百日花穀落子矮老黑毛麻線老鴉翎背子糯穀香

糯背子糯黃糯矮老糯凡二十種

欽定授時通考卷二十二



總校官庶吉士

臣侍

朝

校對官編修

臣裴

謙

謄錄監生

臣吳向仁